

PUO YA BOPHATLALATSI BA DITABA MABAPI LE GOLD LEAF TOBACCO

Tshwane, 26 Phato 2022 – SARS e ananela taelo ya Lekgotla le Phahameng la North Gauteng le fanang ka taelo ya ho hapa dithoto ho latela dintlha tsa karolo ya 163 ya Molao wa Taolo ya Lekgetho wa Nomoro ya 28 wa 2011 kgahlano le *Gold Leaf Tobacco Corporation* mmoho le balaodi ba yona, e leng Benghadi Rudland le Adamjee. SARS e ntse e fuputsa le ho phethahatsa mehato e matla hodima ikonomi e seng molaong ka ho tsepamisa maikutlo hodima kwae, kgauta le indasteri ya mafura ho tloha ngwahola, mme mohato ona ke o mong wa e mengata ya phethahatso ya molao e phethahatswang ke SARS.

SARS e ntse e ntlafatsa bokgoni ba yona ba ho thafalletsa le ho etsa hore ditjeo e be tse hodimo bakeng sa ba sa ikobeleng tefo ya lekgetho le boitlamo ba bona ba molao le bao ba nang le seabo diketsong tsena tsa bonokwane. Taelo ena ya kgapo e fumanwe ka sepheo sa ho thibela hore thepa e teng e nyamele hobane seo se ka nyahamisa matsapa a ho bokella lekgetho.

"Boitshwaro bona ka balefalekgetho ba sa ikobeleng tefo ya lekgetho bo nonyetsa mehlodi ya sebele ya Mmuso mme sena se beha ka mosing Mmuso le setjhaba sa Afrika Borwa. Ho lwantshana ka matla le tlwaelo ena e mpe, SARS e tla tswela pele ho phethahatsa thomo ya yona, ntle le tshabo, leeme kapa ka tsela e inkelang diqeto," ho rialo Khomishenara ya SARS, Mong. Edward Kieswetter.

Ho fumana lesedi le fetang lena, ka kopo ikopanye le SARSMedia@sars.gov.za